

BASES DO III CONCURSO DE ESCAPARATES DE NADAL EN VILALBA

Contido Bases Legais Concurso.

1. Obxecto e finalidade

O Concello de Vilalba, a través da súa Concellería de Políticas Sociais e Réxime Interno, e Comercio, convoca o III Concurso de Escaparates de Nadal en Vilalba, coa finalidade promover o comercio, e favorecer un ambiente propio das Festas do Nadal.

2. Persoas ás que se dirixe

Poderán participar no concurso todos aqueles establecementos comerciais situados na localidade de Vilalba, independentemente do produto que oferten ao consumidor.

3. Inscripción

Os comerciantes interesados en participar, deberán inscribirse enviando un correo electrónico a comercio@vilalba.es solicitando formar parte do concurso, cos datos do comercio e achegando unha foto do escaparate para subilo ás redes estando aberto o prazo dende o día da publicación destas bases e ata as **14:00h. do día 13 de decembro**.

4. Mecánica de participación

_ O tema para desenvolver será alegórico ao ambiente propio das Festas do Nadal e sempre combinándoo cos produtos propios do establecemento.

_ Os escaparates deberán permanecer decorados entre o **13 de decembro e o 6 de xaneiro de 2022**.

_ É obrigatorio que os comercios participantes teñan o seu establecemento iluminado ata as 22 horas e nunhas condicións que permita ao Xurado visualizar claramente o escaparate no seu conxunto, e co distintivo visible que os identifica como participantes do mesmo.

_ As visitas do xurado faranse en calquera momento durante o período no que os escaparates deban estar adornados, e sen previo aviso. Todo comercio que teña o seu escaparate pechado e sen a iluminación correspondente quedará automaticamente fóra do concurso.

_ Todos aqueles comercios que se inscriban no Concurso, pero á hora de realizar a visita polo Xurado non estivesen decorados, de acordo coas Bases deste Concurso, quedarán eliminado automaticamente.

5. Criterios de valoración.

Os criterios de valoración son:

- Creatividade: de 0 a 5 puntos
- Orixinalidade e complexidade: de 0 a 5 puntos
- Artesanía: de 0 a 5 puntos
- Deseño e calidade: de 0 a 5 puntos
- Decoración acorde ao produto a venda: de 0 a 5 puntos
- Atractivo comercial: de 0 a 5 puntos

No caso de empate na puntuación obtida, o xurado establecerá o mecanismo para desempatar.

6. Premios.

Establécense os seguintes premios:

- 1º Premio: 600 €
- 2º Premio: 400 €
- 3º Premio: 200 €
- Premio especial por ser o máis votado en redes sociais: 100 euros, compatible con calquera dos outros tres premios.

O financiamento dos premios farase con cargo á aplicación orzamentaria 430. 22699 (Orzamento municipal 2021 do concello de Vilalba).

7. Xurado.

O xurado estará composto por un máximo de 5 persoas, designadas polo Concello para este fin, de distintos ámbitos, presidido por a Alcaldesa Elba Veleiro Fernández ou persoa que a substitúa, e actuando de secretaria o/a técnica/o de cultura, ou persoa que a substitúa.

Tanto a composición dos membros do xurado como a resolución dos premios, faranse públicos na páxina web www.vilalba.gal e na Sede Electrónica do concello.

O xurado comprobará que os participantes reúnen as condicións requiridas nas bases, e a resultas desta comprobación procederá a outorgar aos participantes as puntuacións de conformidade cos criterios que figuran nas presentes bases e procederá a declarar aos gañadores de cada premio.

O fallo do Xurado será inapelable e darase a coñecer o día **10 de xaneiro de 2022**.

8. Aceptación das bases do concurso.

A participación neste Concurso supón a aceptación íntegra das presentes bases, así como as decisións do Xurado, podendo quedar excluído todo aquel participante que incumpra as mesmas.

9. Protección de datos de carácter persoal

As persoas participantes aceptan, mediante a súa participación neste concurso, a publicación das súas fotografías nas redes sociais, medios de comunicación e web do Concello de Vilalba; e os seus datos serán tratados de conformidade co recollido na Lei orgánica 3/2018, de 5 de decembro, de Protección de datos persoais e garantía dos dereitos dixitais e a restante normativa aplicable na materia.

10. Dereitos de imaxe.

Cada participante manifesta e responsabilízase de que ostenta os dereitos de imaxe e propiedade intelectual sobre todo o material presentado a concurso. A aceptación da participación supón dar o consentimento ao Concello de Vilalba para empregar as fotografías como parte do material promocional se así se estima oportuno.
